

DESEMBER 1982 64

FÉLAGSBLAÐ NÝALSSINNA

Fréttir og félagsmál

Lífið eftir dauðann er líkamlegt jarðlíf, engu síður en lífið hér á jörðu.

Helgi Pjeturss



Útgefandi: Félag Nýalssinna.
Álfhólsvegi 121, Kópavogi, sími 40765.
Pósthólf 1159, Reykjavík.

Umsjónarmaður:
Ingvar Agnarsson.

Sverðbjarminn

(Sjá forsíðumynd)

Eitt af furðum kvöldhiminsins er sverðbjarminn (Zodiacal Light). Sjaldan sést hann frá Íslandi eða í öðrum norðlægum löndum, en helst þó að kvöldi til eða fyrir sólrís.

Best sést sverðbjarminn í hitabeltislöndum, þar sem sólbaugur er hæst á himni.

Sverðbjarminn er daufur og stefnir út frá sólu í sólbaugsátt. Þessi bjarmi stafar af dreifingu ljóss frá aragrúa örsmárra efnisagna sem sveima um sól nálægt fleti sólkerfisins.

Ingvar Agnarsson.

Félagsfundur 3. febrúar 1982

Félagsfundur Nýalssinna var haldinn að Álfrólsvegi 121, 3. febr. 1982.

Vegna fjarveru starfandi formanns setti *Þorsteinn Guðjónsson* fundinn kl. 9, og las fundargerð frá 6. janúar 1982. Fundargerðin var samþykkt.

Þessu næst las Þorsteinn upp grein Þorsteins Þorsteinssonar lífefnafræðings: **Líf og líforka**, sem birzt hefur í *Lífgeislum* 34. tölublaði. Ýmislegt var rætt um ritgerð þessa, bæði af þeim sem las, af *Pétri Gíslasyni*, *Gunnari Hjörvar*, *Sveini Haraldssyni* og fleirum.

Umræður beindust í heimspekilega átt, og varð það samkvæði viðstaddra, að lífið þyrfti hjálp til að komast á legg úr líflausu efni hveirrar jarðar og að hver maður þyrfti hjálp og yrði hennar aðnjótandi, fyrir lífgeislan frá fullkomnari stöðum alheimsins.

Fundi var slitið um kl. 22,15.

Þorsteinn Guðjónsson,
fundarritari.

Kynningarfundur 7. febrúar 1982

Erindi, umræður og tónlist.

Þór Jakobsson, veðurfræðingur, sem er Nýalssinum áður að góðu kunnur sem fyrirlesari, var frummælandi á fundi sem félagið hélt að Álfrólsvegi 121, 7. febrúar 1982, og talaði hann einkum út frá efni bóka um heilann og taugakerfið, eftir nýja nóbelsverðlaunamanninn *Sperry*, og annarri eftir *Eccles*, sem hefur skrifað bók með nafninu: *Sjálfið og heili þess* (eða öllu heldur *hugurinn og heili hans*). Telur *Eccles*, þó að hann þekki með mikilli nákvæmni hin ýmsu efnaskipti og rafboð sem eru samfara lífinu, lífshræringunum og meðvitundinni, að eitthvað annað og meira komi þar til skjalanna sem lífið er, einhver stjórnandi og samstillandi þáttur eða afl, sem efnishræringarnar lúti fremur en að þær skapi slíkt upp fyrir sig. Um þetta efni ræddi Þór Jakobsson í inngangserindi sínu en síðan hófust umræður, og tóku margir þátt í þeim: *Ingvar Agnarsson*, *Birgir Georgsson*, *Guðmundur á Kópavatni*, *Olgeir Möller*, *Ævar Jóhannesson*, *Gunnar Hjörvar*, *Ingólfur Majasson*, *Guðmundur Kristjánsson* og e. t. v. fleiri.

Annar aðalhluti fundarins voru **tónleikar** sem þau *Már Magnússon*, óperusöngvari og *Christina Cortes*, píanóleikari héldu fyrir fundargesti. Már söng nokkur lög eftir Hallgrím Helgason. Þó að sá sem þetta ritar kunni ekki að dæma um slíka hluti, hyggur hann að þetta efni hafi verið flutt af sannri list, enda var auðfundið, að þarna myndaðist þetta samband milli áheyrenda og flytjenda, sem er undirstaða þess að vel takist. Áheyrendur klöppuðu lof í lófa, og komu þau Már og Christina þá fram að nýju og fluttu sem aukalag „Tónarnir“.

Er óhætt að segja að þessi ágæta heimsókn þeirra Más og Christinu gaf fundinum svip og yfirbragð sem gleymist ekki, enda hygg ég að hann hafi verið áhrifagóður, og fólk farið í léttu skapi heim. En þá vildi ég víkja aftur að umræðunum.

Pór Jakobsson er reyndar – í hjáverkum, eins og allir sem að slíkum málum starfa – ritstjóri Morguns, tímarits Sálarrannsóknafélags Íslands, og var í byrjun dálítið um það að menn væntu þess að hann kæmi fram sem fulltrúi þeirra skoðana, sem lengi hafa verið ríkjandi í því félagi. Líkara var þó því, að hann kæmi fram sem fulltrúi þeirrar fræðigreinar sem nefnd er parapsychology eða fyrirburðafræði, en sú grein hefur að álit margra Nýalssinna og e. t. v. ýmissa annarra, naumast sýnt nógu vel ennþá hvers hún mætti vera megnug. En að álit margra háskólamanna víða um lönd hefur það verið aðalgallinn á þeirri grein, að hún skuli vera til. Fyrirburðafræðin er því eins og milli steins og sleggju, þeirra sem vilja að hún komi skörulegar fram og þeirra sem vilja ekki leyfa henni að koma fram.

Ingvar Agnarsson vakti athygli á því, að þar sem fyrirburðafræðin stígur varla spor í þá átt að álykta af staðreyndunum, er í sumum greinum eins og t. d. stjörnufræði (þar sem margt hefur ágætlega sannast og með vissu fundið verið), leyft að menn haldi fram hinum furðulegustu hlutum, án þess að hafa nokkrar staðreyndir við að styðjast. Svo er til dæmis um hin svonefndu „svörtu göt“, sem engin einasta athugun styður eða byggir undir, og samt láta menn þetta gott heita og halda áfram að fimbulfamba um það sem hvergi á sér stað nema í þeirra eigin heilabúi. En í fyrirburðafræðinni, þar sem óteljandi dæmi og staðreyndir liggja fyrir, þora menn engar ályktanir að draga, en heimta sífellt fleiri sannanir fyrir því sem löngu er sannað.

Birgir Georgsson spurði Pór að því, hvort hann hefði sem stjórnumaður í Sálarrannsóknafélagi Íslands orðið nokkuð var við áhuga

á íslenskri hugsun, því, að Íslendingar ættu að hafa forystu um að koma áleiðis þessum málum, það er fyrirburðafræði og sálarrannsóknnum.

Þór kvaðst ekki muna eftir því, og taldi sig vera einna hlynntastan því máli í þeirri stjórn.

Þór spurði Nýalssinna hvort þeir væru vissir um að þetta sem þeir væru að halda fram, væri rétt, eða hvort þeir teldu það aðeins tilgátu.

Þorsteinn Guðjónsson sagði að hver maður yrði að leggja sinn eigin mælikvarða á það hvað væri honum tilgátur og hvað vissu. Það væri engin von að allir gætu tekið sama skrefið samtímis. Varðandi það hvort höfundur þess málefnis sem Nýalssinnar kenna sig við hefði verið „of viss“ um niðurstöður sínar, þá kvaðst Þorsteinn halda að aldrei hefði sá brautryðjandi komið fram í vísindum sem efast hefði um niðurstöðir sínar – þessar sem reyndust vera hinar brautryðjandi. Annað mál er það að það var sjaldnast fyrr en eftir langvinnt og erfitt starf, sem slíkir menn komust að þeim niðurstöðum.

Ingólfur Majasson, gestur á fundinum, minnti á sambandsfund sem Nýalssinnar héldu fyrir allmörgum árum, og sagði hann þann fund hafa verið mjög öflugan og m. a. hefðu kunnir framlíðnir stjórnámálamenn náð að koma þar fram á sannfærandi hátt.

Gunnar Hjörvar sagði frá því að hann hefði tekið allmarga miðilsfundi upp á segulband og meðal annars kæmu þar fram þeir stjórnámálamenn sem á hefði verið minnzt.

Guðmundur Jónsson spurði um endurburðarkenninguna meðal fyrirburðafræðinga.

Þór kvaðst þekkja vel *dr. Ian Stevenson*, sem dregið hefur saman fjölda dæma af því tagi, sem sumir hafa talið styðja endurburð, og taldi að sá aðhylltist það að svo væri, þó að hann færi mjög varlega.

Þorsteinn spurði þá hvort Þór hefði orðið þess var að Stevenson hefði íhugað aðra skýringu, á þessum sömu dæmum og athugunum. En Þór kvaðst ekki hafa orðið var við það. Þorsteinn sagðist þá hafa verið, um þær mundir sem Stevenson var að byrja að birta þessar endurburðar-niðurstöður sínar, í bréfasambandi við indverskan prófessor *C. T. K. Chari*, sem taldi það ranga aðferð að túlka slík dæmi undireins sem stuðning við endurburð, því allt eins líklegt væri að um samband við framlíðna væra að ræða. (Sjá einnig Ennýal: Íslensk heimsfræði og trúin á endurburð, bls. 247–251).

Ýmsar fleiri fyrirspurnir komu fram, og má þó búast við að ýmsar hafi ekki verið fram komnar þegar fundi lauk á áttunda tímanum.

Þökkuðu menn Þór Jakobssyni vel fyrir komuna á fundinn, fyrir erindi hans og umræður, og létu í ljós ósk um gott samband milli Sálarrannsóknafélags Íslands og Félags Nýalssinna.

Þessari frásögn af velheppnuðum fundi Nýalssinna að Álfrólsvégi 121 má ekki ljúka án þess að minnst á það sem ekki minnstu máli skiptir, en það var undirbúningur þess að hann gæti farið fram. Steingerður Þorsteinsdóttir, Krístrún Guðjónsdóttir, Svava Jónsdóttir og Margrét Jóhannsdóttir önnuðust þennan undirbúning, meðal annars það sem að veitingum við kom, ásamt Kristínu Guðmundsdóttur, sem hafði milligöngu um komu tónlistarfólksins. Ingvar Agnarsson sá um auglýsingar og ýmsa kynningu, en Þorsteinn Guðjónsson útvegaði kaffivél og hélt sig kunna á hana, en á því varð einhver misbrestur og tafði það fundinn í bili, en var þó bót á ráðin að mestu áður en lauk. Fundinn sátu um 35 manns og hann stóð eins og áður kom fram á fjórða tíma.

Þorsteinn Guðjónsson.

Félagsfundur 3. marz 1982

Félagsfundur Nýalssinna var haldinn að Álfrólsvégi 121, 3. marz 1982.

Ingvar Agnarsson setti fundinn kl. rúmlega 9, en síðan las *Þorsteinn Guðjónsson* fundargerð febrúarfundar og var hún samþykkt.

Nýr félagi, *Eiríkur Harðarson*, var samþykktur af öllum viðstöddum.

Þorsteinn Guðjónsson las draum sem ungan félagsmann hefur nýlega dreymt og ritað upp, og varpar glöggu ljósi á samband meðvitundar draumgjafans og dreymandans.

Þá las Þorsteinn einnig úr Þjóðsögum Jóns Árnasonar þátt sem heitir **Sögur úr Áradalsbragnum**, og urðu nokkrar umræður um efni þetta og höfund þess sem er Jón lærði Guðmundsson, merki- legur þjóðlegur fræðimaður um 1600.

Þessu næst bar Ingvar fram tillögu um það að aðalfundur skyldi haldinn 31. marz (sem er afmælisdagur Helga Pjeturss), og hafði sú dagsetning allra samþykki.

Þá var rætt um væntanlegt stjórnarkjör á aðalfundi. Af sjö mönnum í stjórn og varastjórn eiga fjórir að ganga úr, og hafa þeir þeirra skorast undan endurkjöri vegna þess að þeir dveljast nú langt frá vettvangi: Páll Steinarsson, formaður; Guðni Þorvaldsson, varaformaður og Pétur Hermannsson, varamaður.

Steingerður Þorsteinsdóttir bar fram eftirfarandi tillögu að beiðni fundarstjóra, um kjör á aðalfundi:

Formaður: *Ingvar Agnarsson.*
Gjaldkeri: *Guðmundur Jónsson, Kópavatni.*
Varaformaður: *Þorsteinn Guðjónsson.*
Varamaður: *Svava Jónsdóttir.*

Í stað ritara og annars varamanns, sem eftir þessari tillögu taka ný sæti í stjórninni, eru þessir tilnefndir:

Ritari: *Stefán Geir Karlsson.*
Varamaður: *Birgir G. Georgsson.*

Samkvæmt þessari tillögu yrðu allir stjórnarmenn annaðhvort færðir til eða nýkjörnir, nema Sveinn Baldursson, sem er kjörinn meðstjórnandi til aðalfundar 1983.

Þessu næst kom dagskrárliðurinn **Önnur mál** og urðu þá nokkrar umræður um eitt og annað.

Fundi var slitið á tólfta tímanum.

Fundinn sátu 10 manns.

Þorsteinn Guðjónsson,
fundarritari.

Aðalfundur 31. marz 1982

Aðalfundur Félags Nýalssinna var haldinn að Álfhólsvegi 121, 31. marz 1982, en þann dag var 110 ára afmæli Helga Pjeturss.

Ingvar Agnarsson setti fundinn kl. 21,15 og minntist Bjarna Bjarnasonar í Brekkubæ, Hornafirði, sem nýlátinn er. Bjarni var einn hinn elzti fylgismaður Nýalsstefnunnar og talsmaður hennar um sextíu samfelld ár, og risu fundarmenn úr sætum sínum til þess að votta honum virðingu og þökk.

Ingvar gat þess að fráfarandi formaður, Páll Steinarsson, væri erlendis og gæti því ekki setið þennan fund. Síðan flutti Ingvar skýrslu um félagsstarfið síðastliðið ár, og er hún skráð sérstaklega, en ýmsar umræður eða stuttar athugasemdir um einstök atriði komu fram, og var það allt með jákvæðum og örvandi hætti. Ingvar sagði frá útgáfu Lífgeisla og kostnaði við það starf og nauðsyn fleiri áskrifenda.

Helgi Guðlaugsson flutti stutta skýrslu eða frásögn af starfinu að Njálsgötu 40.

Gunnar Hjörvar sagði frá því að Gídeonsfélagið ætti góðar stjórnufræðilitskyggnur og bauðst til að reyna að útvega þær og var því tekið með þökkum. *Guðmundur Jónsson* skýrði frá reikningum félagsins fyrir undangengið ár og var skýrsla hans samþykkt.

Kveðja barst símléiðis til fundarins frá Áshildi Öfjörð, sem minnst hafði afmælis Helga Pjeturss.

Ingvar lýsti nú yfir stjórnarkjöri. Úr stjórn áttu að ganga Páll Steinarsson, formaður; Guðni Þorvaldsson, varaformaður og Pétur Hermannsson, varamaður og báðust allir undan endurkjöri, og ennfremur Guðmundur Jónsson, gjaldkeri. Tillaga um skipan nýrrar stjórnar var borin upp og var hún á þessa leið:

Formaður:	<i>Ingvar Agnarsson.</i>
Varaformaður:	<i>Þorsteinn Guðjónsson.</i>
Gjaldkeri:	<i>Guðmundur Jónsson.</i>
Ritari:	<i>Stefán G. Karlsson.</i>
Ritari:	<i>Þorlákur Pétursson.</i>
Meðstjórnandi:	<i>Sveinn Baldursson.</i> <i>Sveinn Haraldsson.</i>
Varamaður:	<i>Svava Jónsdóttir.</i> <i>Birgir G. Georgsson.</i> <i>Skúli Öfjörð.</i>
Endurskoðendur:	<i>Olgeir Möller,</i> <i>Ægir Ólafsson.</i>

Þessi tillaga hlaut allra samþykki með lófataki, enda komu engar aðrar tillögur fram. *Pétur Gíslason* taldi lofsvert að kjörið hefði verið vel undirbúið, en taldi þó að ekki mætti slíkt verða of mikið skipulagt framvegis.

Nýkjörinn formaður, *Ingvar Agnarsson*, kvaddi sér nú hljóðs og sagði frá því, að þau Svava Jónsdóttir og Halldór Pjetursson, sem voru meðal fundarmanna, hefðu fært félaginu að gjöf fimm náttúru-

steina, félagsmönnum til ánægju og fróðleiks, og þökkðu fundar-
menn þá gjöf með lófataki.

Eiríkur Harðarson lagði til að Nýalssinnar færu í sumarferðalag og leigðu sér áætlunarbíl til þeirra nota. *Ingvar* mælti með því að þetta yrði gert, og sagði að vel þegið væri, að einhver tæki að sér að skipuleggja þetta.

Þessu næst flutti *Þorsteinn Guðjónsson* erindi í tilefni af 110 ára afmæli Helga Þjeturss, og talaði um ævistarf Helga, en kom þó einnig og ekki síður að félagsmálum, framkvæmdum á vegum félagsins og sambandsmálum almennt. Hann lagði áherzlu á að kenning Nýals væri svo víðtæk og stórkostleg að slíkt hætti til að gleymast, meðan hún væri aðeins viðfangsefni dálítills félags, og hann benti á hvað stjórnufræðipættir Carls Sagans í sjónvarpinu hefðu greitt fyrir málefni Nýals meðal almennings hér, þannig að nú væri auðveldara að bera fram þessa skoðun en áður. Mikils virði væri að geta rofið þögnina um þessi efni, á réttan hátt, og að málfrelsið væri mikils virði. Þorsteinn sagði frá því, að komið hefði upp sú hugmynd að efna til þings Íslendinga og annarra þjóða manna hér á landi um forn fræði Íslands, Ásatrú, en jafnframt um Nýalsfræði og sambandsfræði yfirleitt. Bað hann menn að íhuga það mál frá ýmsum hliðum.

Ingvar Agnarsson þakkaði þetta erindi; taldi æskilegt að hafa sambönd við menn erlendis sem væru að leita í rétta átt hvað hugsun snerti og væri það enginn ljóður á ráði Nýalssinna að hafa sambönd við menn af ýmsum trúarbrögðum, þar sem verkvið Nýalsstefnunnar væri jörðin og mannkynið allt.

Gunnar Hjörvar taldi hættulegt að láta málefni Nýals berast til útlendinga. Samkvæmt Rutherford væru Galíleumenn forfeður Íslendinga. Ás- í nafni Ása, Ís- í nafni egyptzku gyðjunnar Ísis og Ís- í Ísrael væri sama orðið.

Þorsteinn sagði að ýmislegt væri hægt að ræða um sífjafræði og skyldleika tungumála, en lagði áherslu á að nauðsyn væri að kenning Nýals bærst víðar út, og kæmi víðar við. Í sambandi við trúarbrögð taldi hann það höfuðatriði í afstöðu Nýalssinna að krossfesting Jesú hefði ekki verið æskilegur atburður. Þetta var það, sem ekki átti að verða, sagði hann.

Halldór Þjetursson sagðist halda, að lærisveinar Jesú hefðu ætlað að gera byltingu. Hann minntist á hinar ískyggilegu horfur í heimsmálum, og sagðist setja vonir sínar á það að almennur skilningur á markleysi vopnabúnaðar og hinni miklu hættu, ásamt

fjöldahreyfingu mætti verða til þess að bægja henni frá. Hann bað menn að leggja sig fram um að túlka kenningu Nýals fyrir fólki, og gera því skiljanlegt að líkamlegt framlíf væri hið rétta.

Ingvar Þakkaði Halldóri ræðu hans.

Pétur Gíslason sagði: „Ég álit, að sambandið við aðrar stjórnur sé sannað í kenningu Helga Þjeturss. Það sem bjargar þessu máli er, að það verði þekking á því að það sigri sem vísindi. Það er viðfangsefni lækna og líffræðinga að lifað er áfram. Þó er gott verk að kynna kenningu Helga. En menn hafa svo mikla vantrú á þessu, að þeir beina ekki hugsun sinni að því“.

Halldór Vigfússon tók til máls og sagði: „Allt líf byggist á lífafslsvæðum. Proski og þróun eru bundin lífafslsvæðum. Leiðin liggur inn eftir vetrarbrautinni, í átt að meiri birtu. Ofurbirta er í miðju vetrarbrautar. Þegar maður deyr flytzt hann samkvæmt litbrigðum árunnar, í annað aflsvæði. Með mætti hugans mun mega eyðileggja jafnvel stærstu kjarnorkusprengrur“.

Þorsteinn lét í ljós ánægju yfir því hve almenn þátttaka hefði orðið í umræðum. Hann leitaði nú enn eftir fylgi við þá hugmynd að reynt yrði að undirbúa þing með erlendum fræðimönnum um norræn forn fræði, fyrirburðafræði og annað skylt, þannig að að þessu stæðu Félag Nýalssinna, Ásatrúarfélagið og ef til vill fleiri félög, með það fyrir augum að málefni Nýals fengi þann þrótt í sig sem dygði til áhrifa. Birgir Georgsson, Pétur Hermannsson og fleiri studdu þetta. Stefán Karlsson spurði hvort fyrir lægju ákveðnar tillögur um þetta mál en Þorsteinn kvað svo ekki vera, heldur hefði sér þótt rétt að segja frá þessu máli þegar á byrjunarstigi til þess að vita hvernig félögum litizt á það.

Pétur Hermannsson kvaddi sér hljóðs og þakkaði fundarmönnum fyrir góðan og velheppnaðan aðalfund. Hann taldi mikilsvert að gefin yrði út almenn stjórnfræðibók á vegum Nýalssinna, þar sem mikil þörf væri á slíku riti, enda mundi það verða félaginu til álitsauka að gefa slíkt út.

Ingvar Agnarsson tók undir þetta og sleit síðan fundi um ellefu-leytið.

*Sveinn Haraldsson
og Þorsteinn Guðjónsson.*

Efnahags- og rekstrarreikningur Félags Nýalssinna fyrir árið 1981

Efnahagsreikningur F. N. 31. des. 1981:

EIGNIR:

Peningar í sjóði	Kr.	1.381,48
Innst. í banka nr. 62498	—	310,55
Gíróreikningur 6031 ..	—	3.976,50
Innbú	—	2.400,00
Bókasafn	—	20,00
Verðbréf	—	600,00
Álfhólsvegur 121, hús .	—	517.000,0
—, — lóðarréttindi	—	57.000,00
Njálsgata 40, hús	—	442.000,00
—, — lóð	—	96.000,00
Land í Laugardal	—	94.260,00
Samtals	Kr.	<u>1.214.948,53</u>

SKULDIR:

Lánardrottinnar	Kr.	12.600,00
Dánargjöf	—	600,00
Skuldabréfalán	—	8.938,64
Endurmatssjóður	—	968.296,36
Höfuðstóll	—	224.513,53
Samtals	Kr.	<u>1.214.948,53</u>

Kópsvatni 9. mars 1982.

Guðmundur Jónsson.

Yfirfarið, ekkert fundið athugavert,

*Olgeir Möller,
31/3 1982.*

Rekstrarreikningur F. N. árið 1981

GJÖLD:

Rekstur Álfrólsvegur 121			
Orka	Kr.	2.511,20	
Fasteignagjöld	–	2.600,00	
Viðhald	–	14.250,00	
÷ Tekjur	–	750,40	Kr. 18.610,80
Lóð í Laugardal, fasteignagjöld	–		1.379,80
Símagjöld, Álfrólsvegi	–		1.182,05
Gíróseðlar o. fl.	–		359,00
Vextir	–		1.625,17
Rekstur Njálsgötu 40			
Orka	Kr.	1.3337,00	
Fasteignagjöld	–	3.332,00	
Viðhald og endurb. .	–	14.307,90	
Símagjöld	–	338,55	
Ýmislegt	–	108,00	
÷ Samskot á fundum	–	2.090,00	
÷ Leigutekjur	–	5.400,00	Kr. 11.933,45
		Samtals Kr.	35.089,47

TEKJUR:

Tekjur af sölu bóka	Kr.	6.773,20	
Árgjöld	–	5.605,00	
Gjafir	–	21.444,20	
Rekstrarhalli	–	1.267,07	
		Samtals Kr.	35.089,47

Félagsfundur 2. júní 1982

Ingvar Agnarsson formaður félagsins setti fundinn kl. 21,30 að afloknu rindi Péturs Gíslasonar um staðháttafræði af Eyrarbakka út frá Njálu.

Því næst hélt *Halldór Pétursson* tvö erindi eða frásagnir. Hið fyrra var „Sveitanaut gengur fyrir ætternisstapa“, en það var frásögn af draumi. Urðu nokkrar umræður um frásögnina. Síðari frásögnin upphaflega sögð af Eiríki Stefánssyni, var saga af sel og fjallaði um ofurmátt móðurástar.

Þessu næst talaði *Ingvar Agnarsson* um stilliáhrif frá sjónvarpi. Út frá því spunnust umræður um stilliáhrif útvarps, lestur bóka, hljóðfæraleiks, söngs o. fl. og huglæga samstillingu og hreyfanleika.

Nú voru tekin fyrir félagsmál. *Þorsteinn Guðjónsson* nefndi að félagið á land sem heitir í Gröf í Laugardal (alls 6 hlutar) og er landeigendafélag um landið óskipt. Fiskiræktarfélagið Laugarlax fer fram á leigu á vatni úr spildu F. N. til fiskiræktar. Nokkrar umræður urðu um landeignina og var samþykkt að beygja sig undir vilja landeigendafélagsins.

Þorsteinn upplýsti um klæðningu stjörnusambands hússins að það gengi hægt og nú þyrfti sennilega að leigja dýra menn til þess að klára að klæða húsið. Umræða varð um fjármögnun verksins og kom fram að fjárskortur væri og vildi Pétur Gíslason hvetja til fjáröflunar meðal félagsmanna.

Loks svaraði P. G. fyrirspurn frá S. G. um hugsanlegt málþing nýalssinna og innlendra og erlendra ásatrúarmanna. Sagði P. G. að fyrirhugað væri að fyrirsögn þingsins yrði: „Björgun mannkynsins, takmark framtíðarinnar“. Þingið yrði væntanlega haldið á Þingvöllum og setið í hring, s. s. fundarsköp samkv. lögréttu.

Eftirtaldir nýalssinnar kváðust fúsir að mæta fyrir hönd félagsins: Þorsteinn, Ingvar, Svava og Stefán.

Gunnar Hjörvar kvaðst ekki koma vegna þess að erlent mál yrði talað á þinginu. Hann lýsti einnig óánægju sinni með nafn fyrirtækisins, sem leigir eign F. N. við Njálsgötu. Nafn fyrirtækisins er Radion og tilheyrir því ekki sambandsmálinu.

Fundi var slitið kl. 23,15.

10 félagar mættu.

Stefán G. Karlsson,
fundarritari.

Félagsfundur 3. nóvember 1982

3. nóv., á fundardegi Félags Nýalssinna, hittust í sambandssal, Álfhólsvegi 121, Sigurður Gíslason, Pétur Gíslason, Sveinn Haraldsson og Þorsteinn Guðjónsson. Hinir þrír síðastnefndu ræddu nokkuð sín á milli um vísindi, vísindamenn og sambandskenningu. Pétur Gíslason sagði: „Ég fór til Norðurlands í sumar og kom á Akureyri. Þar hitti ég Helga Hallgrímsson, forstöðumann náttúrugripasafnsins þar. Það gerði ég samkvæmt þinni tilvísun, Þorsteinn. Ég sagði honum frá mínum hugsunum, þessum sem þið kannist við, um kjarnasýrur og eggjahvítuefni. Hann hlustaði á mig og sagði eitthvað á þá leið að sér þætti gott að kynnast skoðunum manna.

Á ágústfundi Félags Nýalssinna sagði ég frá þessari ferð minni. Frænka mín sem er fyrir norðan sagði mér að þessir menn við náttúrugripasafnið þar væru alvarlegir vísindamenn, tækju vísindastarfsemi sína alvarlega. Það þyrfti að vera meira samband milli þeirra og ykkar hér fyrir sunnan“, sagði Pétur Gíslason. „Þið þurfið að tala saman um málin“.

Ennfremur sagði hann: „Helgi Hallgrímsson sagði að blaðið okkar hér mætti vera vísindalegra“. Þorsteinn Guðjónsson sagði: „Úr því gæti hann bætt með því að skrifa í það“.

Á septemberfundi voru mál rædd.

Á októberfundi ræddi Pétur Gíslason um þá skýringu Þorsteins Jónssonar (í Tunglsgeislum) að saga biblíunnar um sköpun Evu úr einu rífi Adams, muni eiga rót sína í líkamningar-fyrirbrigði – þar sem líkamningurinn myndast úr efni sem hinn sofandi miðill (Adam) gefur frá sér. Pétur Gíslason lýsti fylgi sínu við þessa skýringu Þorsteins Jónssonar og taldi það raunsæi að skýra þetta þannig.

Á þessum fundi, nóvemberfundinum minntist Pétur einnig á það hve gott væri að vitna í Jesús, þegar verið væri að tala við fólk um Nýalsmál. Hann taldi að Jesús hefði verið vel menntaður að þeirrar tíðar hætti. Hann taldi koma fram gríska heimspeki í Jóhannesarguðspjalli. Þorsteinn minnti á að þrjú af ritum Nýja testamentisins væru kennd við Jóhannesa: Jóhannesarguðspjall, Jóhannesarbréf og Opinberun Jóhannesar. En fræðimenn væru ekki á eitt sáttir hvort þessi rit væru eftir einn mann, tvo eða þrjá.

Sveinn Haraldsson minnti á það sem kemur fram í Þónýal, að í Gyðingasögu Jósefusar væru nefndir ellefu Jesúsar, en þó væri enginn þeirra sá Jesús sem kristin kirkja rekur uppruna sinn til. En þó er saga Jósefusar einmitt um það tímabil sem Jesús lifði á. Einnig var þarna minnt á Bar-Jesús þann sem lét líf sitt í viðureign við Pál frá Tarsos, en Bar-Jesús þýðir sonur Jesú.

Pétur Gíslason mælti með því að menn drykkju súrmjólk, og þá gjarnan á undan öðrum mat ef fleiri réttir væru. „Sjáið mig – ég er að verða 82 ára og hef aldrei verið orkumeiri en nú“.

Samtali þessara manna lauk um kl. ellefu.

Á þessum fundi gaf *Pétur Gíslason* félagi Nýalssinna hina nýju brezku alfræði: Encyclopaedia Britannica. Ef um kennslu verður að ræða á vegum félags Nýalssinna, er þarna undirstaða og tilvísun til ýmislegs fróðleiks.

Þorsteinn Guðjónsson sagði frá framkvæmdum við húsið Álfhólsveg 121, sem Félag Nýalssinna á að hálfu, en hann sjálfur að hálfu. Þær framkvæmdir eru dýrar sagði hann og sagðist leggja sjálfur út fyrir þeim, en litlar líkur til endurgreiðslu af hálfu félagsins, því að það er fátækt og hefur lagt fé sitt í annað. „Ekki er víst að svo sé“, sagði *Pétur Gíslason*, „líklegra er hitt að þú fái endurgreiddan hvern eyri“, sagði hann.

Samtali þessara manna lauk um kl. 22,35.

Þorsteinn Guðjónsson.

Viðbót. Einhverntíma á fundinum minntist *Pétur Gíslason* á hinar tvær ólíku tegundir kolsýrulofts: koleinsýrling (C-O) og koltvísýrling (C-O₂). Koltvísýrlingur er skaðlaust og nytsamt efni, en koleinsýrlingur er banvænt efni. Koleinsýrlingur myndast við bruna í eðlilegu lífi eðlilegra lífvera, en djöflarnir anda frá sér koleinsýrlingi. Af þessu leiddi umræður um reiðina og hinar óhollu afleiðingar hennar fyrir líkamann.

P. G.

Félagsfundur desember 1982

féll niður vegna veikinda formanns og fjarveru annarra, sem annars áttu að sjá um hann.

EFNISYFIRLIT:

Sverðbjarminn. (Sjá forsíðumynd) I. A. Bls. 2

FRÉTTIR AF FÉLAGSSTARFI:

Félagsfundur 3. febrúar 1982	–	3
Kynningarfundur 7. febrúar 1982	–	3
Erindi: Þór Jakobsson.		
Félagsfundur 3. mars 1982	–	6
Aðalfundur 31. mars 1982	–	7
Efnahags- og rekstrarreikningur F. N. fyrir árið 1981	–	11
Félagsfundur 2. júní 1982	–	13
Félagsfundur 3. nóvember 1982	–	14
Félagsfundur í desember 1982	–	15

Stjörnusambandsstöðin, Álfrólsvogi 121, Kópavogi, sími 40765.
Almennir félagsfundir eru þar fyrsta miðvikudag hvers mánaðar
kl. 9 e. h. Umsjónarmaður: Sveinn Haraldsson.